

Bosna i Hercegovina
FEDERACIJA BOSNE I HERCEGOVINE
AGENCIJA ZA NADZOR OSIGURANJA
FEDERACIJE BOSNE I HERCEGOVINE
SARAJEVO

Službene novine Federacije Bosne i Hercegovine broj: 31/15

Na osnovu člana 10. alineja 2 Zakona o društvima za osiguranje u privatnom osiguranju („Službene novine Federacije Bosne i Hercegovine“ broj: 24/05 i 36/10), i člana 16. alineja 7 Statuta Agencije za nadzor osiguranja Federacije Bosne i Hercegovine („Službene novine Federacije Bosne i Hercegovine“ broj: 56/05), Stručni savjet Agencije za nadzor osiguranja Federacije Bosne i Hercegovine na 26. sjednici održanoj 09.04.2015. godine, d o n o s i

ODLUKU
o pravilima za učešće zainteresovane javnosti
u izradi podzakonskih akata

Član 1.

Ovom odlukom se uređuju se pravila za učešće zainteresovane javnosti u izradi podzakonskih akata donesenih na osnovu Zakona o društvima za osiguranje u privatnom osiguranju, Zakona o osiguranju od odgovornosti za motorna vozila i ostale odredbe o obaveznom osiguranju od odgovornosti i Zakona o posredovanju u privatnom osiguranju, u Agenciji za nadzor osiguranja Federacije Bosne i Hercegovine (u daljem tekstu: Agencija za nadzor).

Član 2.

Svrha donošenja ove odluke je razumijevanje stvarnog učinka normativno – pravnih aktivnosti čiji obrađivač i donosilac je Agencija za nadzor, koordinacija i razumijevanje sa zainteresovanom javnošću, efikasnost i efektivnost Agencije za nadzor u ovom domenu.

Član 3.

Agencija za nadzor će na svojoj službenoj internet stranici www.nados.ba objavljivati sve predložene podzakonske akte u formi nacрта, uz pružanje mogućnosti za dostavu komentara u roku od 10 dana od dana objave.

Član 4.

Uz nacрте podzakonskih akata prilaže se i obrazloženje u kojem je objašnjena potreba za donošenjem pomenutog podzakonskog akta i njegova svrha.

Član 5.

Agencija za nadzor će uz objavu akta na službenoj stranici objaviti i poziv na dostavu komentara, prijedloga i

sugestija zainteresovanoj javnosti.

Komentari se mogu dostavljati elektronskim putem i u pisanoj formi, uz obavezno navođenje naziva i ovlaštene osobe pošiljaoca.

Član 6.

Direktor Agencije za nadzor, određuje koordinatora za konsultacije koji je odgovoran za koordiniranje svih obaveza Agencije za nadzor u pogledu konsultacija a kontakt informacije se objavljuju na službenoj internet stranici Agencije.

Član 7.

Za zainteresovanu javnost određuju se sljedeće institucije:

- a. Agencija za osiguranje u Bosni i Hercegovini,
- b. Agencija za osiguranje Republike Srpske,
- c. Ministarstvo finansija Federacije Bosne i Hercegovine;
- d. Zaštitni fond Federacije Bosne i Hercegovine,
- e. društvo za osiguranje,
- f. posrednici u osiguranju,
- g. udruženja iz oblasti osiguranja,
- h. druge institucije ako su njihove primjedbe neophodne ili ako po smislu stvari mogu dati korisne primjedbe, prijedloge ili sugestije.
- i. organizacije i pojedinci koji su stručni za pojedinu oblast koju reguliše podzakonski akt.

Član 8.

1. Agencija za nadzor, odlučuje koje od primljenih komentara, prijedloga ili sugestija dobijenih od zainteresovane javnosti će prihvatiti ili odbaciti, uz obrazloženje zbog čega je donesena takva odluka, da li su ispunjene minimalne obaveze u pogledu konsultacija i da li nacrt podzakonskog akta ima značajnog uticaja na javnost ili ne.
2. Ovo obrazloženje je sastavni dio obrazloženja kojeg Agencija za nadzor dostavlja Stručnom savjetu Agencije za nadzor, u prilogu predloženog podzakonskog akta.

Član 9.

U izuzetnim okolnostima direktor Agencije za nadzor može izuzeti određeni akt od obaveze provođenja konsultacija ako utvrdi da je iz nekog razloga potrebno napraviti izuzeće, te dostaviti Stručnom savjetu Agencije za nadzor detaljno obrazloženje ovakvog izuzimanja.

Član 10.

Izuzimanjem se Agencija za nadzor ne oslobađa ispunjenja minimalnih obaveza u pogledu konsultacija, osim minimalnog roka za dostavu komentara ako su razlog izuzimanja hitne okolnosti.

Član 11.

Ova odluka stupa na snagu osmog dana od dana objavljivanja u Službenim novinama Federacije Bosne i Hercegovine.

PREDSJEDNIK

Željko Šain s.r.

Broj: 1.0.-021-452-6/15
Sarajevo, 09.04.2015. godine